





東華錄卷十

湘源蔣良騏千之父

康熙三十六年正月。上欲駐蹕右衛。易于
調遣。擇吉二月初六日。辰時出師。諭理藩
院尚書班迪等。今觀噶爾丹勢甚窮蹙。天與
不取。坐失事機。應撥兵預備。今次出兵。亦分
為兩路。兵各三千名。尋議每兵一名。從僕一

人給馬五匹。四兵合為一伍。帶百日口糧。

駐札肅州副都統阿南達疏報擒噶爾丹之子塞卜騰巴爾珠爾于哈密之地。諭撫遠大將軍伯費揚古知之。兩江總督范承勳河道總督董安國等疎言。會勘河道。自永安以至邳宿二州縣間王廟一帶。亟宜修築。得旨。依所奏。速行修理。雲梯關乃海口要地。此處

淤沙深濬則黃河入海不致阻滯總河每年
遣才能河官專理毋使壅塞諭大學士等
觀明史洪武永樂所行之事遠邁前王我朝
現行事例因之而行者甚多且明代無女后
預政以臣凌君等事但其末季壞于宦官耳
且元人譏宋明復譏元朕並不以前人輒譏
亡國也惟從公論耳今編輯明史着將此諭

增入修明史敕書內

二月壬午朔欽天監

預奏日食日食分數諭曰雖人可預算然自古帝

王皆因此而戒懼蓋所以盡天變修人事

也若庸主則委諸氣數矣本年水潦地震

今又日食意必陰盛所致豈可謂無預于人

事乎可諭九卿如有人事應修改者悉以奏

聞丁亥上行兵寧夏出德勝門駐蹕昌

平州。壬寅。上駐蹕榆林村前桑乾河崖。

奉差達賴喇嘛理藩院主事保住回。以第巴疏呈奏。上曰。朕閱經史。塞外蒙古多與中

國杭橫。自漢唐宋至明。俱被其害。而克宣威蒙古。並令歸心。如我朝者。未之有也。夫兵者。兇器。聖人不得已^得而用之。譬之人身。瘡瘍方用鍼灸。肌膚無恙。而妄尋苦楚。可乎。治天下

之道亦然。亂則聲討，治則撫綏，理之自然也。
自古以來，好勤畧者，國家元氣固不虧損。是
以朕意不意^以生事為貴。達賴喇嘛^麻蒙古尊之
如佛。第巴者，即代達賴喇嘛理事之人。噶爾丹
叛逆，皆第巴之故。因朕嚴頒諭旨，第巴悚
惧，悉遵朕旨。自陳乞憐，畏罪矢誓。此亦敬謹
之至矣。達賴喇嘛身故，朕已悉知。今第巴云

遣尼麻唐胡土克圖前來代彼密陳其情想
到後必奏明達賴喇嘛已經身故懇朕為伊
掩飾第已既如此奏懇事亦可行即此可以
寬宥其罪第已必感恩而衆蒙古亦歡悅矣
三月尼麻唐胡土克圖至果密奏達賴喇嘛
身故已十六年再生之小達賴喇嘛已十五
歲乞為隱諱 丁丑駐蹕寧夏 閏三月乙

未。上自寧夏城住北塔。是日啟行。四月

甲子。御丹泊布古圖。大將軍伯費揚古疏報。
閏三月十三日。噶爾丹至阿察阿穆塔台。飲
藥自盡。丹濟拉等携噶爾丹尸骸及其女鍾
齊海來歸。大臣請行慶賀禮。上曰。噶爾丹
之死。乃天所助。宜先謝天。尋丹濟拉奏。噶
爾丹尸已焚。命大將軍駙邁其女速來。五

月乙未

上回宮

給事中鄭昱條奏平定

噶爾丹慶賀大禮頒詔款項

上曰凡頒赦

詔皆人主之事非人臣所宜言自古不以頻
赦為善政者以其便于惡人而無益于善人
也鄭昱妄以詔款陳奏念係言官特從寬宥
着大學士嚴飭之禮部題平定噶爾丹武
功告成應遣官祭告加上徽號命史館編緝

平定北寇方畧。上曰喀爾喀厄魯特原皆
納貢之國。曰搆釁致兵。爭噶爾丹曾破回子
中子薩馬拉罕布喀爾喀薩克布魯特葉爾
欽哈思哈爾賽拉木吐魯番哈密諸國。乃習
于戰鬪之國。喀爾喀焉能抵敵。是以款塞來
歸。其時若不允其內附。必淪入于厄魯特。允
之。噶爾丹必假此搆難。凡此皆經熟籌。非漫

然受納也。噶爾丹假索取喀爾喀為名，犯我邊境。尚書阿喇尼逆戰于烏爾會之地。我師大北。噶爾丹乘勢直抵烏闌布通。距京師未及七百里。斯時適朕躬以違和還京。左翼軍雖能勝抵，而右翼軍不能制勝。大臣而下至軍師陣亡被創者甚衆。噶爾丹亦自知無濟，歸路遭疫，得還科卜多者不過數千人耳。當

是時即預知其必稱兵報復六年以來烏闌
布通之後時厯朕懷正經理武備之時噶爾
丹果復舉兵寇掠喀爾喀之納木扎爾托音
于克魯倫之地朕詔武臣三品以上咸陳方
畧舉朝皆以為難其言當討者不過四人朕
以^為斷當急圖遂祭告天地宗廟我師所至
上天佑助無水之地而靈泉湧出不毛之

地而庶草蕃蕪事悉稱意今西北永寧其不
致蒙咎者即幸矣諸典礼俱依議行徽號不
必上六月以丹濟拉往授策妄阿喇布坦
命阿南達撤噶斯口兵回量亩兵馬暫駐布
隆吉爾等處探聽声息並檄内大臣索額圖
大將軍伯費揚古將軍馬斯喀等從鄂爾多
斯駟路而歸侍郎滿丕將軍舒恕俱看回來

命大學士伊桑阿等纂修平定朔漠方略。
尋馬斯喀等言鄂爾多斯路遠仍率兵自
鄂多里經歸化城之路進張家口。七月以
太和殿成遣官祭告天地宗廟社稷。

上巡行塞外。九月上駐蹕汗特木爾達

巴漢降人厄魯特台吉丹濟拉至授秩大臣^散

安插張家口。

甲午。

上回宮。

十月諭

宗人府、禮部、嗣後八旂宗室子弟有能文學、

屬文、應與滿洲諸生一體應試、編號取中、

策妄阿拉布坦、執送伊拉古克三胡土克圖、

并其弟孟克里至、磔誅之、十一月癸巳、京

師地微震、

三十七年、

丁亥朔

正月癸卯、

上

巡幸山西五台山、啟行、

二月戊辰、

上回

宮、工部議覆漕督桑額等會勘開濬下河

條奏一、高郵湖之水勢宜分一、車兒埠入海
之口宜開一、丁溪入海之口宜通一、小海場
入海之口宜開一、草堰場洩水之閘宜增一、
運河之水勢宜分、應令將各項工程估計具
題從之。四月諭大學士等、廣東粵海關收
稅人員、搜檢商船貨物、概行征稅、以致商船稀
少、關稅缺額、且海船亦有自外國來者、如此

瑣屑甚覺非体。着減額稅銀三萬二百八十
五兩。着為令。七月七日。京師地微震。直
撫于成龍言。霸州等處挑濬新河已竣。乞賜
河名。并勅建河神廟。旨。賜名永定河。建廟立
牌。工部議覆。漕督桑額估計開濬下河。應
准行。命九卿并淮揚等處人在朝者。確議具
奏。尋九卿奏。淮揚人俱言。開濬下河有益。然

事關甚重。應令漕督會同提督撫。延確議具奏。從之。八月。策妄阿拉布拉遣使同我使。

臣內閣侍讀學士喇錫等來獻噶爾丹骸骨。上命置京城外懸掛示衆。十二月。副都

御史吳涵言。編修檢討等員。陞轉壅滯。請酌復變通。編修。照李濟汪楫之例。外補一二人。少詹講讀學士等官。照王士正徐朝顏藻元。

九齡之例以京堂各衙門調補一二人

上諭大學士曰覽吳涵奏翰林官壅滯所奏
極是翰林官員係進士選拔者教習三年
又行考試擇其善者始由衙門不但伊等應
陞缺少以致壅滯即滿洲漢軍翰林官亦皆
壅滯其應缺出俱與筆帖式較俸陞補是
伊等陞轉甚遲奏朕已知之不必令部議

也。三十八年二月二日癸卯。上南巡閱。

視河工。啟行。辛酉。御舟泊張八臘口。尚

書馬齊侍郎喻成龍常綬等。勘視河工。回奏。

臣等查勘桑額所奏。邵伯鎮南金灣小海場。

鮑家莊等處。挑濬引河。建造草堤。俱無益。應

無庸議。惟蝦鬚沙溝。及興文閘。草堰等處。

應酌量挑濬。部議從之。丁卯。御舟泊流。

潦澗戊辰

上閱視黃河以南高家堰歸工

堤等工回至清口三月庚午上奉

皇太后舟渡河壬申駐蹕淮安丙子駐蹕

揚州府癸未至蘓州府辛卯至杭州府

戊戌回銮九月上以喻成龍所繪河

圖示大學士等曰今四海太平最重者治河
一事前延視知水之不治由洪澤湖水勢甚

大既不能洩。又加黃運兩道合併。勢愈浩瀚。以致泛溢。昔時原有歸仁隄。遙為捍禦。此法最善。今已淹沒。不可考。新輔則築減水埧。名為減水。而四處奔瀉。漂決甚多。彼但顧上河。而不顧下河。水何以治。朕意惟有導河稍北。使彼不得侵入清水。而疏洩洪澤湖。使之下流。全用清水。以刷沙淤。如此。則水自無不治。

矣。今歲南延見黃河逼近清口。黃水倒灌。以致淤墊。洪澤湖水不出。自高家堰減水。渠流入高寶諸湖。自高寶諸湖流入運河。以致下河田地盡被淹沒。朕深為軫念。又曰。靳輔董安國喻成龍。但知築堤禦水。至於改河身使北。俾清水流通。並未言及。若不令清水通流。雖修築堤岸。黃水終致倒灌。焉能禦之。諭。

吏部比年京堂懸缺者多翰林官甚衆陞遷
壅滯爾等將現出京堂之缺及翰林官職名
一併開列十一月御史鹿祐疏叅順天鄉
試正副考官修撰李蟠編修姜宸英以賓興
之典為行私之地尋諭此科考試不公已極
且聞代倩之人亦復混入著將舉人齊集內
廷覆試尋覆試舉人等面去有差諭曰順天

中試者童稚甚多。物論沸騰。着將李蟠等嚴
加議處。鹿祐題叅可嘉。諭大學士等于成
龍奏稱。清江浦西界黃水。高于淮水一尺。淮
水高于運河之水七尺。連水河高于平地七尺。
合而觀之。淮水高于運河堤外平地。共一
丈四尺。今惟以濟口自河之下流。沿武家墩
由清江浦之北。另行改移。中間河身量曲八

九十丈空地。兩旁堅築石堤。俾清水暢達。此
所當即議者。但如是改移。朕恐別有所碍。爾
等確議具奏。尋遣侍郎常綬查勘。回云。于成
龍等言。遵旨改移清口。則清水自是易出。但
水泛時。兩邊堤高。倘致冲決。保護為難。將高
家堰減水。填堵塞。加幫修築。于成龍尋病故。
似有裨益。令九卿確議允行。

三十九年二

月吏部議覆湖廣督郭琇疏言臣生父郭景
昌即墨縣學庠生郭爾標並無妻室何有子
嗣伊授充黃宗昌家為僕闔邑通知臣伯父
郭爾印無子以臣承嗣于康熙十五年五月
病故具有報呈可查不知佛倫何所聞而
誣臣欺君冒認祖父濫膺封典擬以革職追
奪誥命臣部不俟行查遂立時追繳伏乞勅

問據大學士佛倫供舛錯是寔應將誥命給
還佛倫事在赦前應免議從之 四月吏部

等衙門會議各省舉人吏部于每年四月十五

日考試以知縣用並無去取亦無分職銜大

小之處考試無益應行停止俱照中式年分

名次註冊挨次選用從之 六月禮部題御

史鄭維孜奏冒籍舉人令其自首議行准貢監

回籍考試議不准行

上曰此二事俱着

依部議主試惟在得人耳若謂貢監在京必
生情弊豈令回籍即不生弊乎部議不准深
為得宜諭大學士等前張鵬翮赴任時朕
即指示以必毀攔黃堤挑濬芒稻河人字河
今張鵬翮毀去攔黃堤而清水遂出濬通海
口而河勢亦稍減觀此則河工大可望也時

海口深通奏請將攔黃埧改名大通口建海
神廟從之諭大學士九卿今科鄉場增令
宗室考試宗室朕素加恩何患無官嗣後停
其考試七月諭大學士等觀翰林官及庶
吉士內有極貧者衣服乘騎皆不能備將此
等查出作何施恩有益供職其丁憂告假回
籍之翰林院庶吉士有生計艱難無力至京

者。着該督撫酌量資助。令其來京。又翰林官員專司文翰。更無他事。各省學道員缺。應與郎中並差。任滿之日。仍各回衙門。或掣簽。或作何差遣。爾等會同翰林院議奏。尋議各省學政缺出。翰林官內。自侍讀侍講以下。開列職名。仰俟欽點。及翰林官內。貧者。月給銀三兩。具奏。上曰。翰林官等。所學優長。朕俱知。

之。但其為人。尚未深悉。雖以揀擇。此後學道
缺出。除告假在籍。日期不論外。較奉派出。翰
林院貧者。給銀之處。看依議。九月。諭大學
士等曰。給事_中穆和倫條奏服用奢侈本章。尔
等擬票申飭。朕意言官專任耳目之職。若目
言而罪之。誰復言。又曰。今惟以大開言路為
務。^要况設立科道。專為求言。所言當則行之。

不當。但將原本發還。如此則內外臣僚亦俱
知儆戒矣。朕聽政四十餘年。言官有為人而
言者。有受賄陳奏者。有報私仇而顛倒是非
者。此等條奏。朕無不知。至於喪祭時。恐其僭
用。朕屢經傳諭族長。着不時查察。今日久漸
弛。容或有之。亦當禁止。此本着不必申飭。
御史劉珩疏言。直隸永平真定等府田地。應

令延撫李光地視其地何處引水耕種諭大學士等曰水田之地朕所洞悉已交李光地令其引水耕種但不可太驟耳今若竟定一例諸處尅期齊舉該部覆行確查則事必致難行矣惟興作之後百姓知有益自然鼓勵今此處亦不必開池惟于寧夏水田開濬溝渠潦則徹田水自渠出旱則放渠水入田災

荒無虞矣。策妄阿喇布坦處盡是水田。所以
全無水旱。惟或一年谷米變蛟而飛。或谷熟
時穗內全然成血。此則彼處之災也。又盛京
有一種螞扎。名曰汚虫。更甚于蝗虫。此處蝗
出食苗。後尚飛去。汚虫必將田禾之穗連根
及葉罄食無遺方止。此朕所親見。十月諭大
學士等曰。臣下賢否。朕處深宮。何由得知。緣

朕不時巡行經歷之地必諮詢百姓以是知之因此朕欲開風聞言事之例科道官以風聞題叅即行察該督撫賢者留之不賢者去之如此則貪暴斂迹嗣後各省督撫將軍提鎮以下教官典史千把總以上官吏賢否若有關係民生者許科道官以風聞入奏倘懷私怨互相朋比受囑托者國法俱在着諭滿

漢掌印與不掌印科道官員知之。十月。

皇太后六袞袞聖孝。上恭進佛三尊。御製

萬壽無疆賦。圍屏一架。御製萬壽如意太

平花一枝。御製龜鶴遐齡花一對。珊瑚

進貢一千四百四十分。自鳴鍾一架。壽山石

群仙拱壽一堂。千秋洋鏡一架。百花洋鏡一

架。東珠珊瑚。金珀。禦風石等。念珠一九。皮裘

一九雨緞一九哆羅呢一九壁机緞一九沉
香一九白檀一九絳香一九雲香一九通天
犀珍珠漢玉瑪瑙鵬漆官窰等古玩九；宋
明元畫冊卷九；金九；銀九；大號手帕
九；小號手帕九；攢香九；緞九；連鞍
馬六匹並令膳房數米一萬粒作萬國玉粒
飯及肴饌果品等物進獻
康熙四十年三

月諭大學士等督撫奏銷錢糧疏內銀數有
兩不符及四兩不符者該部輒議駁回事甚
微細必待往來申奏然後改正殊覺多事嗣
後錯悞十兩以內者部內即行文改正不必
議駁三月先是給事中馬士芳疏叅湖廣
巡撫年遐齡徇庇布政使任風厚老病不入
大計至是諭大學士等曰任風厚調來引見

其年尚未衰老。可以辦事。如爾諸臣。俱係年
老。坐而辦事。必須老成。歷練者。方能得當。州
縣則官不可。若道員以上。必以年長者為佳。
不惟此也。凡一省易一大吏。一方百姓不能
無累。外官惟以清廉為要。郭琇居官清廉。而
辦事和平。如任風厚。果係不堪。郭琇豈肯徇
庇。任風厚仍赴原任。至言官叅奏不寔。若皆

議處誰敢復言。馬士芳著免議。五月御史
張璠疏言。西山碧雲寺後有前明太監魏忠
賢墓。並碑二座。乞賜仆毀。從之。諭大學士
等。御史杜子昂。魏孝期所奏六本。俱極冗長。
奏章俱有定額。此本逾格。凡言事期明晰。如
將無用文章。闌入何益。今杜_子昂欲將邵
雍。後裔授為博士。但數言可了。若必將邵雍

之賢一一舉出即十疏豈能盡之魏孝期所
奏漢中府地方民生本極富庶自吳三桂叛
戶口逃散此言尤為悖謬彼處自明朝末年
為流賊張獻忠屠戮殆盡自順治十七年至
康熙十二年用兵始定歷年無幾則人民豈
遽能生聚所奏著發還魏孝期奏將州縣初
任後祇許到省一次謁見督撫若不時往來

必至送禮及勒取之弊大約治道亦不在此
內而大學士九卿外而督撫屬下之人豈俱
不相往來若大臣無欲則屬下必廉豈關往
來謁見之故也 七月工部議御史張璠言
京畿墊道大宛兩縣每年原有工價銀一萬
餘兩支銷至五城所派夫役並無工食乞將
五城應墊之道統歸兩縣經理從之 八月

上廵幸塞外登索岳爾濟山九月厄魯

特策妄阿拉布坦遵旨解噶爾丹女鍾齊海
到京赦不誅令婚配得所四十一年壬午

正月諭大學士等曰朕觀諸臣任科道時多

有敢言沾直声以得陞遷者及為大僚輒不
敢言問以小吏皆云不知前後頓不相符因
顧起居注官等曰朕言可詳記之三月傳

大學士九卿翰詹科道官一百四十餘員在
保和殿頒賜御書有差并諭曰尋章摘句華
麗詞藻非帝王之本務朕四十餘年惟日兢
兢未嘗曷刻稍釋萬幾自警有始無終之誚
念茲在茲也政事稍暇頗好書射歷年以來所
積臨摹字幅以賜卿等六月御製訓飭士
子文頒發禮部命勒石太學御書道德

仁義四字額賜翰林院德業仁義四字額賜
詹事府都俞吁咈四字額賜都察院 九月
禮部議監生莊令輿俞長策試卷作五經文
字與例不合無庸議 上曰所作五經文字
若俱浮泛不切自不當取中若能切題旨文
理明順一日書寫二萬餘字寔為難得莊令
輿俞長策著俱授為舉人嗣後不必禁止作

何定例着議奏。兵部議覆。湖廣鎮筭生員李
豐等叩閤稱。鎮筭紅苗肆行擄殺。地方官不
究不報。謹進輿圖一紙。及被擄之地。開列進
呈。得旨。着郎傳維祖等。馳駟往湖南詳察
具奏。上。延視南河。啟行。十月乙酉。京師
地震。九鄉。訖嗣後鄉會試。作五經文字
者。應額外取中三名。草稿不全。免其貼出。二

場于論表外添詔誥各一道上駐蹕德州

城內諭曰朕目閱河南延今以皇太子允初

患病應即回銮明歲再閱視河工十一月

免安徽省及陝西河一帶康熙四十二年

地丁錢糧十二月諸王大臣士民等以

皇上五十萬壽諸^請上尊號不允是歲人丁

戶口二千四十一萬一千三百八十四田地

蕩畦地五百九十八萬六千九百九十三頃
六十三畝有奇征銀二千七百三十九萬六
百六十九兩有奇米豆麥六百九十六萬八
千六百七十三石有奇草二百八萬一千六
百八十八束茶十五萬七千四百七十六引
行鹽四百三十一萬九千四百七十五引征
課銀二百六十九萬七百一十八兩有奇鑄

錢二萬三千八百六萬五千九百有奇。四

十二年

丁未朔

正月壬子，群臣請預行慶賀。

萬壽恭進鞍馬緞疋等物，諭曰：「爾等如此進獻，在外督撫必較之。朕必不受。朕素嗜文學，

諸臣有以詩文獻者，當面覽。既而諸臣恭進

慶祝萬壽屏，復以文繕寫冊頁進呈，得旨：「面

冊頁，卻屏。」壬戌。

十六日

上巡視南河。

庚午。

過濟南府。幸廵撫署。觀珍珠泉。御書三度齊
河。卽事詩一章。懸署門。觀趵突泉。御書源清
流傑。額懸泉上。潤物。額懸珍珠泉。學宗洙泗
額。懸省城書院。上登泰山。駐蹕泰安州。免
經過地方四十一年。未完錢糧。二月。丙子朔
丁丑。上由宿遷縣。五花橋。渡中河。遍閱堤
工。至宿遷縣。渡黃河。明日。遍閱徐家灣等堤。

祥符等閘復細閱新修河口登舟遍閱隄工

己卯自桃源縣登舟徧視河隄御舟入清

口泊天妃廟壬午駐蹕揚州府城內甲

申御舟渡江登金山江天寺書動靜萬古額

懸寺中丙戌駐蹕蘓州府城內戊子登

舟庚寅駐蹕杭州府城內癸酉自杭登

舟回銓乙未登陸駐蹕蘓州戊戌自蘇

州登舟啟行。辛丑自京口由陸路幸江寧
府駐蹕城內。壬寅遣大學士馬齊祭明太
祖陵。癸卯自江寧回銮至鎮江避風館登
舟泊金山寺。三月丁未登岸閱高家堰堤
工及各處堤工。己酉乘舟歷黃河南岸觀
龍窩烟墩等堤復渡黃河閱九里岡等堤。
己未自揚村登岸駐南苑。庚申回宮以淮黃

告成頒詔天下恩款三十八條。四月上發
出熊賜履呈覽。明神宗熹宗以下史書四本。
諭曰。明時太監皆及見之。所以彼時之事
知之甚悉。太監魏忠賢惡跡。史書僅記其大
畧而已。猶未詳載也。此書所載楊漣左光斗
死于北鎮撫司獄中。聞此二人在午門前受
御杖死。太監等以布裸尸出之。至于隨崇禎

殉難者乃太監王承恩。因此

世宗^祖章皇帝作文致祭，並立碑碣。此書載太

監王之心從死，明係錯悞。尋賜履等，復行詳

察。果係王承恩，非王之心，遵旨改正。至于左

光斗、楊漣，考察諸書俱云死於北鎮撫司獄。

故照彼書之

四月

^{正考官大學士熊賜履}吏部尚書陳廷敬

^{副考官吏侍吳}授一甲進士王式丹為修撰

涵^{禮侍許如霖}

趙晉錢名世為編修汪淵查慎行何焯蔣廷
錫吳廷楨陳邦彥薄有德汪文烱陳世倌吳
瞻淇汪倫潘耒震廖賡謨陸秉鑑涂天相萬
經陳徐基朱書林祖望俞海宗至章藻功伊
泰楊緒劉巖王邁馬汝為西庫王居建劉圻
吳漣趙徵介謝履忠單喬年耿古德劉祖任
趙泰臨王士銓董泰楊萬程李天祥蔣肇阿

進泰、吳相、李士杞、李堂、鄭為龍、才住、萬民欽。
四十九員改庶吉士。六月，御書闡道醇儒。
額命懸景州、董仲舒廟。十月，遣尚書席爾
達、副都統圖思海、徐九如赴湖廣招撫紅苗。
上西巡。丁酉，幸太原府。庚子，自太原
啟行。十一月丙辰，上幸西安府。癸亥，
自西安回銮。十二月壬申朔，上駐蹕河。

南府城內。庚寅車駕還宮。令補授外官。

掣簽所得地方。如隔原籍五百里內。雖隔省。着迴避。四十三年正月。諭曰。朕前遣侍衛。

至鐵索橋掛匾。還京回奏。彼處督撫餽六十餘兩。夫一侍衛。而費至此。則凡部院司官筆帖式等。差遣往來者。又不知煩費幾何矣。

二月。諭大學士等。近日各省學臣。其中不肖。

之徒。惟利是圖。摠不知愛惜人才。其根源在
禮部。科道督撫。皆有規禮。故無敢直言之人。
又聞提督浙江學政文志鯨。將考試二三等
生員內。竟有加杖責者。文志鯨身係翰林。特
簡之使提督學政。乃如此暴戾可乎。三月
川陝總督博濟言。臣等會勘黃河三門。中流
為神門。水勢湍。南為鬼門。水更汹涌。北為人

門水勢稍緩。三門之下百餘步為底柱。再下
二里有卧虎灘。臣等用船載糧三十石。從卧
虎灘縴挽上過人門。但湍急灘多。所有截畝
豫省漕糧。撥運陝西。不知如陸路之便。得旨。令
議。四月。直撫李光地。曰。河間水災。飢民流
入京師。自陳不職。請解任。上諭大學士等
曰。李光地着畝任。其居官有何可議。但彼專

信門生常為所誑凡人口講道學彼即深信之夫道學豈易言哉孔子曰先行其言而後從之人之品行必始終不易朕始信之若徒託之空言而無寔事則亦何益之有非特此也凡有職任者一有所為善惡立見更不宜輕言也 四月己卯 上幸髻髻山 九月侍衛拉錫等探視河源回奏臣等于四月初四

自京起程五月十三至青海十四至呼
拉克六月、初七至宿海之東有澤名鄂陵
周二百餘里鄂陵至有澤名札陵周二百餘里
二澤相隔三十里初九日自星宿海視蒙古名
鄂敦塔拉登高山星宿海之源小泉萬億不
可勝數周圍群山蒙古名為庫爾滾即崑
倫也南有山名古尔班吐爾哈西南有山名

布胡珠爾里西有山名巴爾布哈北有山名
阿克塔目七奇東北有山名烏闌杜石古爾
班土爾哈山下諸泉西藩國名為噶爾馬塘
也巴爾布哈山下諸泉名為噶爾馬春穆郎
阿克塔目七奇山下諸泉名為噶爾馬沁凡三
山之泉流出二支河即古爾班索羅謨也三
河東流入扎陵澤自扎陵澤一支流入鄂陵澤

自鄂陵澤流出，乃黃河也。除此他山之泉，與平地之泉，流為小河者，不可勝數，盡歸黃河。東下，臣等自星宿海，于六月十一日回程，向東南行二日，登哈爾吉山，見黃河東流，至呼。呼托羅海山，又南流，繞撒陰克山之南，又北流，至巴爾托羅海山之南。次日至冰山之西，其山最高，雲霧蔽之。蒙古言：此山長三百餘

里。有九高峯。自古至今。未見冰消。終日雲霧
蔽之。常雨雪。一月中三四日晴而已。自此回
行。十六日。至席拉庫特爾之地。又向南行。過
僧席里高嶺。行百餘里。自黃河岸。見黃河自
巴爾托羅海山。向東北。流入歸德堡之北。達
喀山之南。從兩山峽中。流入蘭州。自京至星
宿海。共七千六百餘里。寧夏之西。有松山。至

星宿海天氣漸低地勢漸高人氣閉塞故多
喘息十月免浙江山東二省康熙四十四
年應征地丁銀米諭大學士等戶部呈樣
之斛斗升朕俱住水詳加測量其樣升上下
四角寬窄不均算積數見方得三萬千三百
八十二分有零其樣斗上下四角寬窄亦
不勻算積數見方得三十一萬六千七百六

十四分零其樣鉄斛數算積見方得一百六十
萬其分數不相符查性理大全加量篇云十
二內每斛積一百六十二萬分與今之鉄斛
較多二萬分曰鉄斛用之已久不可輕改
是以依今之鉄斛五斗為準造新樣斗一具
方徑八寸深五寸積數見方得三十二萬分
又造新樣升一具方徑四寸深二寸積數見方

得三萬二千分。若依此樣，十升一斗，五斗
一斛，毫_厘不差。曰：出新斛，同斗升赴部，以鈇照
式為之。

十一月丁酉朔，日食。

論大學

士等曰：凡人皆當立品。筮仕之初，即思干請
于人，其立意如是，則他日將何所望也？或有
未仕之先，早已債負盈積，至入官後，若不悛
民，何以償之？國家名器，豈為此輩償債設乎？

四十四年正月諭部前黃河往倒灌清
口者由仲莊閘與清口相對駱馬湖水勢湍
息逆逼黃流倒灌清口朕躬臨相視命移仲
莊閘改建于楊家莊出口河臣報稱黃河暢
流入海絕無倒灌清口之患朕今欲特蒞其
地籌善後之規其中河黃河運河有應加修
防者亦隨立指示至于山東省並于沿途親

行周覽焉。二月，諭大學士：「昨御史黃秉中條奏行取知縣，即以科道用，此為太過。」此言頗當。滿洲漢軍俱從郎中員外始陞科道。漢人則以行取知縣，即陞寔屬不均。交九卿議奏。癸酉，南巡啟行，駐南苑，明日于康家灣登舟。甲午，御舟泊濟寧州。浙撫張泰交疏請幸兩浙，允之。三月，庚子，入江南境。壬寅，

渡黃河。泊清江浦。閱楊家庄等處隄岸閘口。

癸卯。駐淮安府。乙巳。泊揚州府城北高

橋。戊申。駐蹕江天寺。辛亥。駐蹕蘄州府

城內。萬孝節。召河督張鵬翮諭曰。朕自清

口。見黃河倒灌。因以問爾。爾反稱不曾倒灌。

此即爾毫不認錯處。爾居官雖好。却為王謙

弼所欺。^張李光地居官亦好。但聽信楊名時。

虛偽道學之言。往々誤事。又諭曰。爾自謂一
介不與。一介不取。一介不與。則有之一介不
取。則未必然。取與不取。惟爾自知之。曩者直
隸歲歉。巡撫沈朝聘曾奏。民食粗糲。故臣亦
食粗糲。朕謂之曰。爾食粗糲。不過在百姓面
前耳。若在署中。豈亦然也。即果食粗糲。不能
有濟民生。有何益哉。己未。駐蹕松江府城。

內。貢生孫鏐等奏稱青浦之北地名孔宅。

自漢時至聖苗裔避地至此。賜御書聖跡。

遺徽匾額。四月甲子朔。泊嘉興府。丙寅。

駐蹕杭州府城內。命掌院學士揆叙考試。

浙江舉貢生監等詩字。以顏祖雍、顏寧遠二

人記名。庚午移駐西湖行宮。癸酉上登

舟回壑。戊寅命揆叙等考試蘓州等府舉

貢生監詩字記汪泰來等五十三人名 甲

申 上登陸幸江寧府己酉駐城內 考試

江寧舉貢生監詩字記錢榮世等五人名

庚寅上自江寧啟行詣明太祖陵自東角門
入諭曰非爾等導引有失特朕之敬心耳

辛卯駐蹕江天寺行宮 癸卯幸高家堰徧

閱河堤 辛酉回宮 五月吏部題原任大

學士吳琬員缺得旨舊例大臣病故必俟其
靈柩還籍方請補授乃國家眷念大臣之意
今吳琬尚未發引何亟乃爾六月吏部
議覆嗣後應將行取知縣到引見後以各部
主事挨班補用于考選時方准考選至初任
之中行評博亦俟伊等陞任後始准考選科道
考選時將正途出身之六部郎中員外主

事中行評博及翰林院編修檢討一同開列
聽候簡用從之八月丁酉朔京師地震

十一月大學士等以鄂羅斯貿易來使齎

至原文及繙譯之文呈進上閱之諭曰此

乃喇提謏托多烏祖克鄂羅斯三種文也外

國文亦有三十六字母者亦有三十字五十
字母者朕交喇嘛詳考視之其來源與中國

同。但不分平上去聲。而尚有入聲。其兩字合
音甚明。中國平上去入四韻極精。而字合音_不
甚緊要。是以學者少。漸至棄之。問翰林。問四
聲。無不知者。問兩字合音。則不能知。中國
所有之字。外國亦知之。特不全耳。大學士
等。以蠲免湖廣錢糧上諭進呈。上問曰。曾查
此數年。蠲免錢糧數目否。馬齊等奏曰。自

康熙四十二年以來蠲免一千六百餘萬

上曰自吳三桂變亂之後民甚艱苦故朕累
年蠲免錢糧民生優裕國家太平矣爾等可
查康熙九年以來所免錢糧總數來尋奏查
自元年以來所免錢糧共九千萬有奇
報聞十二月諭大學士等今年順天鄉試
聲名不佳人或恐其不公又聞試卷不加圈

點者甚多。應試者各執落卷以示人。又作草人。至試官家門。砍之。觀其舉動。人怨殆不可言矣。朕在避暑處。點汪霽姚士勳為正副考官。以為出人意料。朕親手封發。當不復生弊矣。由此觀之。亦不在此。但存乎其人之所行而已。科場之設。以為選擇人才之地。于此事而行之不正。雖學問優長。何益之有。科道官。

專在言職何不叅劾亦將此問科道官

尋議考官汪霖姚士勗照溺職例革職永不
叙用從之四十五年正月九卿議覆兩江

督阿山等疏言黃淮運河諸工事關重大請

聖駕請臨指示應如所請並屢次堅請俯

從不允二月二十七日丙辰京師地微震

三月上親定殿試卷一甲三名不合式十

一卷。令再三年殿試。其文理謏劣二人。陶仁
明。黜革。馬芝秀。仍留舉人。又張勿我。郭璜。二
人。亦皆黜革。尋陳廷敬奏。會元尚居易。首扁
一千二百餘字。文亦不佳。向來作文。不得過
六百五十字。所作違例。應黜革。從之。考官皆
獲罪有差。四月。授庶吉士王誥等為編修。
檢討其涂天相。^履謝忠。馬汝為。柯喬年。萬民。

欽。李天祥。劉圻。楊緒。萬經。陳胡相。李堂。劉祖
任。王邁。朱書。伊泰。西庫才住。高其偉。董泰。何
焯。文義荒疎。不准授職。再教習三年。盛度。阿
進泰。耿古德。文字俱劣。革職。十月。諭大學士
等。前遣護軍統領席柱等。擄假達賴喇嘛。及第
巴。妻子時。諸皇子。及諸大臣。俱言一假達賴
喇嘛。擄之何為。朕意以象蒙古。俱傾心歸。

向達賴喇嘛。此雖係假達賴喇嘛。而有達賴
喇嘛之名。家蒙古皆服之。倘不以朝命遣人
往擒。若為策妄阿喇布坦迎去。則西域蒙古
皆向策妄阿喇布坦矣。故遣席柱前去。席柱
方到其地。策妄阿喇布坦果令人來迎。此觀
之。若非遣人前往。則假達賴喇嘛必已歸
策妄阿喇布坦矣。至西域回子及蒙古。今衰

弱已極欲取之亦甚易但并其地不足以耕
種得其人不足以驅使且現今伊等已俱恪
守法度是以不取此等情事漢大學士及九
卿等想俱未深悉可將朕諭示之 十月免

山西陝西甘肅江蘇安徽浙江、西湖北湖
南福建廣東各省自康熙四十三年以前未
完地丁銀二百一十二萬二千七百兩有奇

糧十萬五千七百石有奇。其直隸山東積欠錢糧今年俱已蠲

免。

十一月諭大學士等曰噶爾丹于我軍

于克魯倫之地未嘗交戰乃徃西路于西師

進擊盡被殺戮西路兵獲其牛羊二十餘萬

甚為得濟此乃天意也昔吳三桂兵圍永興

城危在旦夕矣三桂一死則兵皆退此亦天

意也

十月內閣九卿等奏請聖駕閱

視涵淮套工程得旨朕年久漸增憚于臨幸
尋議據原任兩江督阿山及督修都統孫渣
齊等各等奏必得皇上親歷河干面授方
畧則奠定之功可立成上奏聞皇太后
奉懿旨允之時諸臣詳勘地形請于涵淮套
別開河道直達張福口以分淮勢事關創建
故再三陳請云四十六年正月二十二日

上南巡閱河啓行。二月壬寅，御舟泊清
河縣運口。是日往閱武家墩。癸卯，上閱
視涵淮套，由清口登路，詳看地勢，御行宮門。
問張鵬翮曰：爾何所見？奏開涵淮套，鵬翮對
不稱旨。上曰：今日沿途閱看，見所立標竿
錯襍，問爾時全然不知，河工係爾專責，此不
由心，何事？方由心乎？鵬翮不能對，免冠叩首。

上顧諸臣曰。前阿山等。察看泗州水勢。奏
湍淮套河地方。另開一河。出張福口。可以分
淮水。免洪澤湖之水異漲。保高家堰之危險。
昨日閱武家墩。尚請果依阿山等所奏。今日
乘騎從清口。至曹家廟詳看。見地勢甚高。雖
開鑿成河。亦不能直達清口。與伊等進呈圖
樣。迥乎不同。且所立標竿。多有在汶上者。若依

之開河不獨壞民田廬甚至毀民坟墓朕惟
恐一夫不獲其所何忍發此無數枯骨數年
來兩河平靜民生安樂何必多此一事先年
靳輔所開中河凡漕運商民船隻避黃河一
百八十里之險至念人追念之但所開止目
舊河疏濬今欲開溜淮套必至鑿山穿嶺不
惟斷難成功即或成功將風水泛濫不漫入

洪澤湖必致冲決運河矣。又諭大學士馬齊
曰。朕看南旺湖水分南分北。用意迥異常人。朕
深嘉其才。馬齊奏云。挑水填芒稻河。鮑家
營諸工皆係皇上指示。超出南旺分水之
上。分水事屬創舉。今所開之河由舊
疏濬與創舉不同。張玉書引汶上分南北
流。是當日老人白英建議其策原善。今主上

睿裁築御堤開引河俾淮水敵黃之水趨海
此萬世之利亦萬世之良法也上曰明代
淮黃與今迥別明代黃水勢強淮水勢弱故
有倒灌之患今漸次修治淮強黃弱矣然與
其開涵淮套無益之河不若將洪澤湖出水
之處再行濬挑令其寬深使清水愈加暢流至
蔣家堤天然堤一帶舊有河形宜更加挑

濬使通運料小河俾商民船隻皆可通行即
漕船亦可輓運為利不淺矣 甲辰 上自
曹家厰回清口將所立開河標竿盡行撤去
百姓踴躍歡忻 諭馬齊等曰天下事有益
者自宜亟行無~~盪~~斷不可輕舉譬如人身有
病方可用葯餌針砭如無病之人或意以割肉
可得延年斷無聽從之理開河事亦類此

是日江南百姓叩請臨幸允之 丁未駐蹕

淮安城內 杭州兵民籲請巡幸浙江允之

庚戌泊揚州 三月二日己卯駐蹕江天

寺 丙辰泊鎮江府 己未駐蹕江寧府城

壬戌詣祭明太祖陵至門下輦由東門

陞殿 甲子自江寧登舟啟行 乙丑登陸

丙寅抵鎮江登舟 己巳駐蹕蘓州府城

丙子駐蹕松江府城內
壬午御舟泊

嘉興府岳廟
四月甲申駐蹕杭州府城內

甲午登舟泊仁和縣塘樓
丁酉駐蹕蘓

州府城內
庚子駐虎邱乙巳駐江天寺

五月甲寅渡黃河
癸酉上回暢春園

十月浙撫王然疏言奉命振濟
時杭嘉等處少雨無收

查常平倉積谷無多請照山東例子常平倉

開例捐納。命大學士等曰。浙省被災州縣。亦
照江南著總漕桑額。會同該撫。截留漕糧。振
濟。何必捐納。十一月。以旱。免江南浙江通
省人丁額征銀六十九萬七千七百餘兩。其
安徽江蘇被災。應征康熙四十七年田畝銀。
共二百九十七萬五千二百餘兩。糧三十九
萬二千餘石。浙江應征四十七年田畝銀九

十六萬四千五百餘兩。糧九萬六千餘石。亦
俱着免征。四十七年七月。暹羅國王森列
拍照廣拍馬。噶陸坤司。由提那菩埃。遣陪臣
進貢。九月。上駐蹕布爾哈蘇台。召諸王
大臣。文武官。集行宮前。命皇太子允初跪。上
垂涕諭上不法。

祖德不遵誨諭。肆惡虐衆。暴戾淫亂。諭畢痛

哭仆地。旋諭將允初拘執幽禁。并親撰告祭

天地。太廟。社稷。文廢斥之。臨禁咸安宮。

十一月。以大阿哥。直郡王。允禔。令蒙古喇

嘛巴漢格隆咒咀廢皇太子。用術鎮壓。革去王

爵。幽禁于其府內。凡上三旂所分佐領。盡撤

回。給與允禔。命達漢爾親王。額駙。班第等。與

漢大臣。會同詳議于諸阿哥中。象議誰屬。

皆曰此事關係甚大非人臣所當言內臣強
之內大臣阿靈阿鄂倫岱揆叙王鴻緒遂私
相計議與諸大臣暗通消息書允禩八阿哥
三字于紙交內侍轉奏

上諭八阿哥未更事近又罹罪且家賤令再
思之以廢皇太子病由魔魅至是治療已
痊愈象釋之十二月吏部等察議原任內

閣學士宋大業疏奏。偏沅巡撫趙申喬。輕褻
御書等款。俱經趙申喬辦明。應毋庸議。其趙
申喬所奏。宋大業兩次奉差湖南。共得銀九
千餘銀兩。宋大業已經自認。應革職杖流。銀
追入官。趙申喬奏內。首明餽銀。應減罪二等。
革職擬徒。^音趙申喬降五級。畱任。宋大業從寬
免杖流。餘依議。



